

quum non sint ratione conformia, D. positive, quasi nempe haberetur aliqua positiva oppositio mysteriorum cum ratione, N. negative, quasi nempe habetur tantum negatio conformitatis cum ratione in iis, que sunt superioris ordinis, seu non cognoscetur conformitas mysteriorum cum rationis principiis, C. Haec enim tria distinguenda, perpetuoque refinenda distinctio haec est, scilicet 1. quedam relate ad nos eum ratione congruere; 2. quedam eidem opponi; 3. denique quædam nec cum ratione congruere, nec cum ipsa pugnare, quia sunt supra rationem, excellentioris videlicet ordinis, ad quem ratio limitibus circumscripta pertingere nequit. Sane ipse Bayle (1) principi loco constituit, multum discriminis interesse inter haec duo, videlicet si objecti aliquis possilitatem non comprehendas, et si ejusdem comprehendas impossibilitatem. Primum negativum est, et ad hoc referuntur mysteria; alterum est positivum; tertia vero esse mysteria nunquam evincent Bayle cum suis asseclis. Ad 2. confirm. deductam a similitudine turris eminus conspectæ, negamus ex dictis paratatem, quum sensus nisi rite applicati sint, aliter repræsentent objectum ac reipsa sit, quod de ratione dici non potest, dummodo ea recte utatur. Nam licet turris quadrata e longinquæ visa, id exigentibus opticæ legibus, appareat rotunda, sensus tamen nihil præcise testantur circa ejus rotunditatem vel quamlibet alias figuram, quum ratione distantiae angulos et sinuositates non distinguant. Quare qui fidem tribuit testanti de quadrata turris figura, quum incertus de ea sit, nihilque affirmare possit, quippe quam e longinquæ prospicit, vel callet hic opticæ leges, vel eas ignorat. Si primum, sibi repugnare non debet; si alterum, non tenetur nisi sicut ignorantiam fateri eamque depencere, dum, qui proprius eam intuitus est, testator esse quadratam, quum ipse in tanta distantia cognoscere non possit, utrum revera turris sit rotunda, utrum vero quadrata. Eadem ratione gerere quisque se debet circa mysteria, quorum conformitatem cum ratione licet ipse non videat, ob auctoritatem tamen Dei testantis illa cum ratione non pugnare, id sibi persuasum habere debet, eorumque veritatem admittere.

Ad 5. D. Ad ingenium confusa absque ulla cum doctrina morum relatione et absque ulla fundamento, C. qualia in religione christiana exhibentur N. Recolatur superius dicta circa utilitatem mysteriorum (2).

Ad 6. D. Quoad eos, qui absque divina mis- ubi invictæ ostendit, nullam inveniri posse repugnantiam inter mysteria, que humanae rationis capaci- tem excedunt, atque rationem ipsam; quum idem Deus, qui est auctor rationis, sit auctor pariter revelationis, ex quo infert et quæcumque argumenta contra fidei documenta ponantur, non ex principiis primis naturæ inditis per se notis recte procedere: unde nec demonstrationis vim habent, sed vel sunt rationes probabiles vel sophisticae, et sic ad ea solvenda locus relinquitur.

(1) *Diction. art. Spinoza.*

(2) *Cons. Bergier Diction. theol. artic. Mysteria.*

sione proprio marte religiones cuderunt, Tr. quod veræ religionis præcones N. Jam vero hic observanda est perversa agendi ratio, qua utuntur increduli, ut invidiam conflent sanctissimæ religioni nostræ, sucumque faciant incautis; scilicet veram religionem cum falsis comparant, eamdemque imitando revelationes effingunt, et imperitis obtundunt (mendacia siquidem, ut fidem inveniant, induere debent veritatis speciem); ea tamen si pertentes et excutias, continuo malitiam deprehendes, inanemque simulationem veritatis. Porro nihil quicquam commune est inventis hominum, fabulisque superstitionum cum systemate sibi ex omni parte cohærente veræ religionis, in qua sic omnia inter se connexa aptaque sunt, ut unitatem summam efficiant ac in sui admirationem rapiant vel invitatos. Profecto mysterium SS. Trinitatis est fundamentum mysterii dominicæ incarnationis, quod rursum supponit mysterium peccati originalis ejusque in omnes Adæ posteros propagationis, ex quibus mire elucet divinæ naturæ ejusque attributorum, omnipotentie, sapientie, bonitatis, misericordie, justitiae excellentia, nec non generis humani se prodit infirmitas. Hinc liquet aliud omnino esse agere de mysteriis in abstracto, ut deisticæ solent, aliud ea considerare in concreto, prout a religione proponuntur.

Ad 7. D. Id est, perpensis credibilitatis moti- vis, que hominem ad assentendum inducunt, C. id est, perpensa intima mysteriorum natura, ut alias diximus N. Si tamen hic Apostolus loquitur de obsequio fidei præstando, et non potius de moderata corporis afflictione. At deistarum parum interest verum sensum atttingere Scripturarum.

CAPUT II.

DE REVELATIONIS NECESSITATE.

Revelationis divinæ nomine, ut ex superiore cap. compertum est, hic intelligimus supernaturalem illam Dei operationem, qua peculiares homines quasdam a Deo veritates edocti sunt, quibus ipsi deinde homines reliquos ad religionem et officia instituerent.

Gravissimam hanc inimicu[m] disputationem non solum adversus veteres recentioresque deistas, sed etiam adversus nuperos rationalistas, qui non aliam revelationem agnoscent præter *naturalem*, sive manifestationem Dei, que fit per opera naturæ, quamque in *universalem* seu communem dividunt et in *particularem*. Universalis porro ex eorumdem sensu ea est, que naturalibus animi facultatibus aliisque universæ rerum naturæ præsidii efficitur, quibus homo ad concepiendam colendamque rerum divinarum notitiam adducitur. Particularis vero eademque mediaea (1) ea est, que continetur complexu rerum

(1) Höpflner, *De discrimine mediae et immediate Dei efficacie rectius intelligenda*, Lips. 1825, pag. 21, sic rem explicat: Qui mediae et Dei efficaciam tuentur, et recte discernunt inter cognitionem ejus subjectivam et objectivam. Nec igitur Deum, si objective spectatur, immediate in mundum agere negant; sed potius eum omnia, quæcumque tandem fiant,

secundum naturam evenientium, quibus Deo auctore nonnulli homines præ ceteris excitati sunt ad vera religionis principia cognoscenda, eaque popularium quidem desideriis accommodata insigni cum successu aliis tradenda (1).

Antequam vero ad rem proprius accedimus, majoris perspicuitatis gratia animadvertisimus objec- tum revelationis esse posse vel veritates ordinis humanae ratione superioris; cujusmodi mysteria esse diximus, necnon ea, que a libera Dei voluntate pendunt, queque seposita revelatione ab homine cognosci nulla ratione possent; vel veritates, que rationis humanae limitibus continentur; cujusmodi sunt ea, que ope ratiocinationis homo assequi absolute potest, e. g. Dei existentia, animorum immortalitas, officia quibus homo Deo, sibi, societatique obstringitur, aliaque hujusmodi.

Age porro dum divinæ revelationis necessitatem adstruimus, non hanc volumus intelligi de veritatibus primi ordinis, quum exploratum sit illarum cognitionem nobis necessariam non esse nisi hypothetice, quatenus nempe per earum cognitionem et fidem voluerit Deus nos adipisci salutem; quum enim hoc revelationem potius supponat, quam adstruat, ex hac parte necessitatem, quam intendimus, evincere non possumus.

Restat proinde, ut ad veritates secundi ordinis necessitatem revelationis, de qua loquimur, refe- ramus.

Quum autem hujus secundi ordinis veritates rationis humanae finibus concludantur, easque propterea humana ratio absolute cognoscere possit, plane consequitur, nos haud posse instituere controversiam de necessitate, ut dicitur, *absoluta*, sed solum de necessitate, quam vocant, *moralis*; itaque hoc sensu necessariam revelationem esse defendimus.

Ad declinandas vero innumeras prope tricas, quas movent adversarii, contra quos agimus, circa humanae rationis vires, circa hominis dignitatem et conditionem, in quas injuriose nos agere clamant deisticæ ac rationalistæ, eas deprimento ad adstruendam nostræ revelationis necessitatem; præterea ne petere videamur principium, ut idem rursum conqueruntur, dum naturæ humanae infirmitatem ex peccato primi parentis inducam supponimus; ad hæc, inquam, incommoda declinanda, brevior nobis pro re, de qua agimus, via visa est, que procedit ex *facto*, atque ab experimento, et quidem publico, uni-

immediate perficere affirmant. Negant vero Deum, si subjective a nobis spectatur immediate operante a nobis cognosci seu sentiri posse. Quam pulchra haec sunt et perspicua! Id ipsum tradit inter ceteros Baumgarten-Crusius *Pr. de notionibus mediatis et immediatis in disciplina theologiae*, Jenæ, 1827; F. Fischer, *zur Einleitung in die Dogmatik der Evangelischen Kirche*, seu *introductio in theol. dogmaticam evangelicæ ecclesiæ*, Tübingen, 1828, pag. 88 et seqq.

(1) Sic totum systema exponit Wegscheider, op. cit. proleg. I, § 12. Unde intelligimus, quo progressus sit protestantismus in Germania quantoque studio elaboret in omni penitus divina revelatione de medio tollenda.

versali, constanti, quodque a nomine in dubium variari potest.

Duo enim ex historicis omnibus monumentis certa sunt, 1. universum humanum genus sibi relatum a veritatis tramite turpiter plus minus aberrasse, sive circa cultum, sive circa mores et officiorum principia; 2. nunquam populus revocari ad sana principia potuisse ex humana sapientia et industria. Jure proinde ex his inferimus, necessariam esse aliquam supernaturalem revelationem, tum ut homines dignum Deo cultum ac cetera quæ hominis propria sunt amplectantur, tum ut in officiis ejusmodi continantur. Sic igitur procedimus.

PROPOSITIO PRIMA. — *Ex eo, quod nullus populus divina revelatione destitutus dignum Deo cultum exhibuerit, atque in absurdos contra sanæ ethices principia errores delapsus non fuerit, jure insertur divinæ supernaturales revelationis necessitas.*

Quum in prima propositionis enuntiatæ parte agatur de facto omnibus comperto atque ab omnibus admisso, nemine prorsus reclamante, possemus quidem illud supponere; juverit tamen nonnulla summam attingere ex veteribus monumentis ad ejus confirmationem.

Ac primo quidem, gentes revelatione destitutas plures coluisse deos explorata res est. Astrotralia apud orientales presertim populos, chaldaeos, persas, phœnices obtinuit (1). Fuit pariter apud antiquissimos orientales populos, ceu religionis ac theologiae ipsorum fundamentum, doctrina de duobus principiis (2), que adhuc perseverat apud indos, et japones. Aliqui animantia bruta, imo et virgulta et cæpas, ut ægyptii (3), fere omnes vero simulacula ut deos venerati sunt. Licit autem fateamur, non omnes fortasse adeo stolidos fuisse, ut ligna et lapides tanquam deos habuerint; si tamen ingenui sumus, nec apertissimis monumentis volumus contradicere, inficiari haud possumus, vulgo velut deos ejusmodi simulacula et habita et culta fuisse (4). Græci et romani genios præterea, heroes sive vivos sive defunctos ut numina venerati sunt (5); mitto dicere de reliquis gentibus, quippe nota historia est et per vulgata apud omnes.

Exploratum pariter habemus ethnicas gentes cu-

(1) Cons. *Voyages de Cyrus*, par M. de Ramsay, in 8.

(2) Ibid.

(3) Conf. Jos. Flav. *Contra Appionem*, I. 1, c. 9, n. 5, et I. II, c. 4.

(4) Conf. Gerold *Saggio d'istruzione teologica, de Deo uno*; ubi refert Tyrios catenis vinxisse Herculis simulacrum, ne auferget; sic Guineæ incolas hodieum simulacra sibi configere, que vocantur ab ipsis *Fetiche*, quibus vim tribuunt ac virtutem divinam. Omitto, que ex scriptura afferri possent monumenta, nec non ex Josepho Flav. Sed ad os obstruendum recentioribus incredulis, qui negant, veteres vere idola ut numina coluisse, satis est in medium proferre Horatii versus ex lib. I, sat. 8:

Olim truncus eram fidelius, inutile lignum;
cum laber, incertus scamnum faceretne Priapus.
Maluit esse Deum. Deus inde ego.

(5) S. August. *De civ. Dei* I. II, c. 15.

pidates et vita omnia diis suis tribuisse, eosque cupiditatum omnium atque vitiorum patronos exhibuisse, uti legere est apud veteres poetas, Homerum præsentim et Virgilium.

Certum denique est cultum omnem ethnorum, obscenæ effigies (1), festa (2), sacrificia, in quibus non crux tantum sed et ipse pudor sacrificabatur humanus (3), numinum gesta, præterea templo (4), ritus, aliaque omnia, quæ ad cultum spectabant vel referebantur, non fuisse nisi publicum perpetuumque scelerum quorūcumque et flagitiorum irritamentum; adeo ut cultum ejusmodi vere dixeris vitiorum omnium apotheosis. Non potest quin toto animo commoveatur et perhorrescat, quisquis legat, quæ apud Origenem (5), Tertullianum (6), Clemensem Alexandrinum (7) et Laetantium (8) de cruentis et obscenis ejusmodi superstitionibus referunt (9).

Et hec quidem de cultu; ex quibus colligi facile potest, quid in universum gentes circa mores et senserint et fecerint. Corruptionis scholæ erant ipsorum theatra atque spectacula (10); fornicatio neque inter vitia quidem recensebatur (11); pederastia passim recepta erat (12); sicut et infantium expositi, etc.; adeo ut pudeat nos tot truelenta et nefanda vel meminisse, quæ tamen publico usu cohonestabantur ac ipsis legibus sanciebantur.

His itaque leviter adumbratis, turpe quippe faret in his diutius immorari, sic breviter argumentum adstringimus. Quæcunque demum sit humanae rationis vis, sive in vero ac digno Deo cultu decernendo,

(1) S. August., *De civ. Dei*, l. vii, c. 21. Conf. in super Bern. Montfaucon, *L'antiquité expliquée et représentée en figures*, Paris, 1719, tom. i et ii.

(2) Conf. S. August. loc. cit. et alibi passim, nec non Montfaucon, op. cit. tom. ii.

(3) Conf. Dionys. Halicarnass. l. i; Plin. I. xxviii, c. 1; Cleric. in annot. ad lib. i Hugonis Grotii *De verit. relig. christ.*; S. August. ep. 91, ed. maur.: « Non aves, non quadrupedes, non denique sanguis humanus, sed multo scelerius pudor humanus immolatus intereat. »

(4) Haec omnia recensita pariter sunt a Grotio loc. cit. et a Clerico in suis annot. documentis comprobata tum ad lib. i tum ad lib. ii.

(5) In lib. contra Celsum, præsertim lib. v.

(6) In *Apolog.* c. 14 et in lib. *De idololatr.* c. 1 et seqq.

(7) In *cōhortatione ad gentes*.

(8) *De div. instit.* lib. 1, qui inscribitur *De falsa religione*, tum passim in aliis eamdem institutionum libris. Sed præ ceteris vel inter ethnicos festive, ut solet, ridet Lucianus in dialog. *De sacrificiis*.

(9) Conf. *Mémoires pour servir à l'histoire de la religion secrète des anciens peuples; ou Recherches historiques et critiques sur les mystères du paganismus*, par M. le baron S. Croix. Paris, 1784. 1 vol. 8. ubi clarissimo in lumine totum hoc argumentum ponit.

(10) Satis est consulere Tertul. *Apologet.* c. 15, tum orationes, quas in theatra habet s. Joan. Chrysostomus ipso Gibbon fatente, theatrum erat unus ex titulis, quibus poterant Romani divertitum facere cum propria uxore.

(11) Epictetus, *Enchiridion*, c. 47.

(12) Aul. Gell. I. xviii. c. 2., et I. xix. c. 41; Plutarch. in opuse. *De liberis educandis*, ante fin. opp. tom. ii. Parisiis, 1624.

sive in sane ethices principiis expendendis, quam adeo et deista et rationalistæ extollunt; factum tamen est publicum, universale et constans, per plura saecula nullum populum, sive barbarum sive excultum, quamdiu revelatione destitutos fuit, tum cultum, qui Deo dignus esset, eidem exhibuisse, tum in turpissimos errores contra sane ethices principia prolapsum non fuisse. Necessarium igitur est medium aliud supra humanam rationem positum ad homines recte instituendos sive circa cultum sive circa mores. Jam vero istud aliud esse non potest nisi supernaturale atque divinum, seu quod idem est: Ex eo quod nullus populus divina revelatione destitutus dignum Deo cultum exhibuerit, atque in absurdos contra sane ethices principia errores delapsus non fuerit, jure infertur divinæ ac supernaturalis revelationis necessitas. Huic autem propositioni majus robur accedit ex demonstratione sequentis propositionis.

DIFFICULTATES.

Obj. 1. Præcipuum humanitatis attributum, quo a brutis maxime ipsa secernitur, est *perfectibilitas*; hinc licet aliquandiu a recto honestoque ipsa aberaverit, 2. concludi non potest, semper populos in eadem ignorantia atque erroribus mansuros fuisse. 3. Proximæ ejusmodi mutationis indicia sub finem romanæ reipublicæ sunt 4. generalis polytheismi contemptus, irrisio idolatriæ superstitionis in ore philosophorum admodum frequens, de quibus fidem faciunt veterum scripta, Tullii præsertim inter Latinos ac postea Luciani inter Graecos; 5. quedam denique ad mysticismum tendentia atque ad solitudinem, de qua inter ceteros Josephus Flavius (1) late disserit. 6. Non omnes præterea ejusmodi superstitionibus et vitiis obstringebantur; 7. plena sunt enim historica monumenta præclaris virtutum exemplis, quibus quovis tempore viri ac mulieres floruerunt, adeo ut 8. vel ipse Augustinus Romanorum virtutes demiratus fuerit. 9. Unius summi Dei notio in hominum mentibus nunquam penitus oblitterata est, nunquam discriminis ratio inter justum et injustum, ita ut facinorosi semper poenit ac publica fuerint ignominia multati. 10. Frustra præterea ex generali illa populorum conditione infertur supernaturalis subsidii necessitas: quum ejusmodi medium insitum sit in ipsa rationali hominum natura, et *cas notiones*, quæ ad religionem pertinent, ut verbis Wegscheider (2) utamur, *soli homines quasi sanctissimum peculium sibi vindicant*; ergo.

Resp. ad 1. D. In scientiis vel artibus, quæ nullam ad mores ac religionem dicunt relationem, C. in iis quæ ad religionem pertinent, *subdist.* si nihil obstat ex parte cupiditatum, illecebrarum et exempli, C. positis ejusmodi obstaculis N. Nullum utique dubium est, *perfectibilitatem* attributum esse humanitatis, at in iis, quæ moralem vivendi rationem non attingunt. In his enim luctuosa experientia ostendit,

(1) *Contra Appionem*, lib. II, c. 49.

(2) Op. cit. proleg. c. 1, § 10, n. (a).

quod homo sibi relictus in plura sive speculativa sive practica errorum monstra delabatur. Non enim in abstractio homo sive humanitas spectari debet, sed in concreto, prout est malis cupiditatibus abstractus et illicitus, pessimis exemplis circumventus, præjudicatis opinionibus, quas ab infantia hauit imbutus, publica ac universali apud suos agendi ratione quodammodo raptus. Quanta vero horum omnium vis sit, graphicè more suo Tullius (1) his verbis declarat: « Nunc (natura) arcuulos nobis dedit igniculos, quos celeriter malis moribus opinionibusque depravatis sic restinguimus, ut nusquam nature lumen appareat; ... simul atque editi in lucem et suscepti sumus, in omni continuo pravitate et in summa opinionum perversitate versamur, ut pene cum lacte nutricis errorem suruisse videamur. Quum vero parentibus redditi, deinde magistris traditi sumus, tum ita variis imbuimus erroribus, ut vanitatis veritas et opinioni confirmata natura ipsa cedat... Quum vero accedit eodem, quasi maximus quidam magister, populus atque omnis unidique ad vitia consensitum, tum plane inficiuntur opinionum pravitate, a naturae desciscimus. » Ex quibus appetit, in re, de qua sermo est, hominem sibi relicum non in melius ferri sed in peius ruere perpetuo atque dilabi.

Ad 2. N. Ut patet ex dictis: alioquin quo populus adultior fit, eo fieret perfectior magisque ad veritatem ac virtutem accederet; at experientia, monumentis historicis confirmata, contrarium ostendit; ex ea enim dignoscimus, eo puriores sive quoad cultum sive quoad mores fuisse populos, quo magis ad suam, ut ita dicam, infantiam accedunt; et contrario eo deteriores factos, quo magis ab ipsa recessunt. Sennenses profecto, quorum imperium antiquissimum est, quum neque scientiis neque artibus sint destituti, debuissent summam perfectionem attingere; attamen in suis superstitionibus ac in morum pravitate permanent, imo et deteriores sunt quam fuerunt tot retro sacerdos, prout et in ceteris populis evenit.

Ad 3. N. Ejusmodi enim indicia nil aliud evincent, nisi romanam rem publicam epicureismi præstationi et impulsu in proximam venisse tum religiosam tum socialem dissolutionem, servatis primævis institutis et cuiusdam probitatis ac honestatis naturalis reliqui. Ceterum multitudo nusquam adeo fœde corrupta fuit, quam ubi superstitioni fuit dedita.

Ad 4. D. Ex parte epicureorum, ideoque et atheistarum practicorum, qui maxime tunc Romæ dominabantur, C. ex parte magistratum et populi. N. Ejusmodi enim philosophi non solum polytheismi atque idolatriæ, sed omnis prorsus religionis contemptum inducebant, quin defectui religionis quidquam substituerent, ea ferme ratione qua aetate nostra sese gesserunt ac gerunt deistæ, qui religionem christianam diruere contendunt, quin ipsi, quæ humanæ societatis et vinculum et columnam est, quidquam substi-

(1) *Tuscul. disput.* lib. III, c. 4. edit. Taur. opp. tom. XII.

tuant ad extremam perniciem avertendam. Quod vero spectat ad magistratum ac populi sensa circa polytheismum atque idolatriam, trium saeculorum odium et inumanus furor adversus Christianos ea satis manifestant.

Ad 5. D. Respectu singulorum, Tr. multitudinis N. Recolantur ante dicta. Josephus porro loquitur de tali dispositione ex commercio cum Iudeis, seu potius cum Christianis, qui disseminari coepérant per imperium romanum.

Ad 6. D. Id est nonnulla eaque paucissima individua ab universalis illa superstitione ac morum fœditate sibi temperarunt. Tr. vel D. subsidio primævæ revelationis vel communicationis cum Iudeis, C. per se N. Ut distinctio magis fiat perspicua, observandum in primis est, aliud esse loqui de multitudine, aliud de singulis individuis; porro quum dieimus imparem esse humanam rationem medicina hisce malis facienda, de populis sive multitudine disserimus, ut ex facto ostensum est; quod autem attinet ad individua singula humanae speciei, absolute loquendo potuissent utique ab hac universalis superstitione ac morum fœditate evadere, alioquin forent excusabilia; et nonnulla quovis tempore fuerunt que ad instar insularum natationem integræ inviolataque in mediis debarcantes licentie fluetibus persistenter ad divinæ providentiae justificationem; non tamen dederim homines istos singulares hoc esse consequitos vel absque subsidio primitiva revelationis, quæ, ut infra invicte probabimus, ad omnes gentes pervenit, vel saltem absque communicatione cum veræ religionis cultoribus. Hinc nova vis accedit stabienda supernaturalis revelationis necessitatibus.

Ad 7. Tr. Ejusmodi enim singularia exempla non destrunt factum generale et constans, quod nos adstrinximus; nec infirmant argumentum, quod inde confecimus. Recolantur modo dicta in resp. ad 6. Addimus non ex uno vel altero præclaro facinore, sed ex complexu perpetuitateque recte factorum oriri recentiam vivendi rationem. Non vacat hic, neque præstat in ejusmodi præclara gesta, quæ tantopere jacent adversarii nostri, intimius inquirere.

Ad 8. D. Respective ad alias gentes, in ipsorum infantia et quidem abstractione facta a falso deorum ac dæmonum cultu, C. absolute N. Etenim S. Augustinus (1) haec scribit: « Veteres igitur primi Romani,... quamvis ut aliae gentes, excepta una populi Iudaeorum, deos falsos colerent, et non Deo victimas sed dæmonis immolarent, tamen laudis avidi, pecuniae liberales erant; gloriam ingentem, divitias honestas volebant; hanc ardentissime dilexerent, propter hanc vivere voluerunt, pro hac et mori non dubitaverunt; ceteras cupiditates hojus unios ingenti cupiditate presserunt. » En, quo sensu commendet et sub quali restrictione; igitur factum a nobis statutum confirmat. Ceterum quid senserit Augustinus de Ro-

(1) *De civ. Dei*, lib. v, c. 12.

ianorum moribus primi ejus libri *de civ. Dei* aperte declarant.

Ad 9. D. Ita tamen, ut eas innumeris prope superstitionis deorum cultibus et erroribus homines fœdaverint ac fere soffocaverint, C. germanas et sineras conservarunt N. ut patet ex dictis. Damus utique nunquam penitus obliteratum illud, ut Tertullianus (1) vocat, *testinonium animæ naturaliter christiane*; at incredibile dictu est, quot absurdis commentis ethnici ideam istam depravaverint, quod nemo certe in dubium vocabit. Idipsum dicatur de generalibus notionibus animæ insitis de justo et injusto, de virtute ac turpitudine, quas notiones in applicatione atque in prædictis ex generali illa ac publica morum perveritate pessime distorserant atque corruerant, quidquid tandem de singularibus casibus senserint.

Ad 10. D. Si rem in abstracto spectemus, Tr. si in concreto, ita ut absque ullo externo ac supernaturali subsidio homines sive populi officia ejusmodi et cognoscant et præsentent N. Theoræ omnes ac rationcinationes factum universale et constans non destruant; porro factum contrarium evincit, quidquid sit de nativa rationis vi et efficacia, de qua hic non inquirimus. Hinc præoccupata sunt, quacumque deiste ac rationalistæ congerunt, videlicet ex nomine legis *naturalis*, que sic a *natura* dicitur, tum quia paucissimis ac simplicissimis veritatibus concluditur ac continetur, tum quia indita a Deo est humana naturæ, tum postremo quia invincibilis non est talis aberratio, aliaque id genus ingeniose excogitata, que nulla ratione attingunt factum a nobis propositum, quodque inficiari adversarii non possunt, nisi velint omnia historica monumenta convellere.

PROPOSITIO II. — *Ex eo quod nulla humana sapientia aut industria populos revelatione destitutos revocare valuerit ab universalit illa defectione sive circa cultum sive circa mores, jure rursum insertur divina ac supernaturalis revelationis necessitas.*

Rursum et in hac propositione factum adstritur extra omnem dubitationis aleam positum.

Licet enim omnes Egypti sacerdotes sive sapientes, Indorum gymnosophistæ, Persarum magi, graci ac romani philosophi sapientiae studierint, scholas atque academias instituerint, sectas informaverint, et quidem per longum annorum et sæculorum tractum; certum tamen est, ipsos impares omnino fuisse populis ad veri numinis cultum ac veritatis cognitionem adducendis, idque ex triplici ipsis inherente defectu. Ex defectu nempe unitatis, ex defectu auctoritatis, ex defectu sanctionis.

Ac primo quidem ex defectu unitatis; quum semper non solum scholæ, sectæ et academie, sed et philosophi singuli a se invicem discreparint in tradendis religionis ac morum institutionibus. Quod enim schola una, academia aut secta probat ab aliis impugnabatur, nec raro discipuli in magistros insurgebant, adeo ut omnes philosophiæ epochæ in

(1) *Apolog.* c. 17.

scepticismum delaberentur (1) ob unitatis ac consensus defectum; impares proinde se reddebant ad propria placita populis suadenda.

Ex defectu insuper auctoritatis; auctoritas enim ista non erat personalis, ut patet, cum nulla potestate in populos pollicerent, non doctrinalis, siquidem ad summum doctrina in sui admirationem populos rapuisset, non vero ad relinquenda cupiditatem oblectamenta, quibus nimis abducebantur, induxisset. Non realis, non quævis alia, qua semper destituti fuerunt. Accedit nimia eorum facilitas in se accommodando popularum superstitionibus, sive ad eorum ac magistratum vindictam et penas declinandas, sive ad propria commoda tuenda, adeo ut tanquam in dogma exercebat principium de *accommodatione* (2). Quare vel ipse Socrates, qui vulgo perhibetur monotheismi martyr, teste Xenophonte (3), ejus biographo et apologeta, passim patris diis immolabat.

Ex defectu demum *sanctionis*; cum nulla ipsi auctoritate sua vel præmia vel poenas præceptorum suorum observatoribus vel transgressoribus propone potuerint, atque irridenter, que poeta de elysii vel stygiis sedibus cecinerunt (4). Jam vero quid ja-

(1) Cons. *Histoire comparée des systèmes de philosophie considérée relativement aux principes des connaissances humaines*, par M. Gérando; in qua auctor quinque philosophiæ epochas distinguit, quarum 1, incipit a Thalete et desinit in Protagoram, qui suis sophismatibus dubium circa omnia moveat. Altera exordium habet a Socrate, qui coepit impugnare scepticismum, deinceps a Pyrrhone instauratum. Postea Epicurus venit cum suis principiis physicis moralitatis; tum sequitur Zeno cum suo fato, quem sequuntur Arcesilaus et Carneades, qui finem imponunt hanc epochæ. 3. Epochæ complectitur vicissitudines philosophiæ que Romæ et Alexandria obtinuit usque ad sæc. vi, quo omne philosophiæ studium barbarie superveniente extinguitur. 4. Comprehendit totum illum temporis lapsum qui a sæculo vi ad xvi protenditur. 5. Initium ducit a tribus summis reformatoriis, Bacon in Anglia, Cartesio in Galliis, Leibnitio in Germania ac ad Kantum usque pertinet, qui Baconem, Cartesium ac Leibnitium immutat, statuque philosophiæ experimenti, et ad hanc appellat auctor. Ast nomine rectius post tot sæcula ab hac ad EXPERIMENTUM PHILOSOPHIAE posset applicari? Ecco non simul utraque conjungitur, religio nempe ac philosophia, prout in sua origine conjunctæ erant? *Nous la reverrons*, inquit cl. Comes J. De Maistre, *la superbe alliance de la religion et de la science; ils reviendront ces beaux jours du monde, où toute science remontait à sa source*. Traduct. du traité de Plutarque intitulé: *Des détails de la justice divine*.

(2) Erat enim commune apud ipsos receptum effectum: *Expedire falli in religione civitates*. Quare August. etiam ex hac parte veteres arguit philosophos, De civ. I. vii, c. 10., ubi de Seneca scribit: *Colebat, quod reprehendebat; agebat, quod arguebat; quod euipabat, adorabat*. Sic etiam Epictetes, Ench. c. 58. principi loco statuebat: *Libere autem et sacrificare et primicias offere secundum patris mores unumquemque decet*. Σπέλεσθε καὶ θεού καὶ ἀπόργησαι κατὰ τὰ πάρον, έδαρος προσήνεται.

(3) Xenoph. *De factis et dictis Socratis memoratus*, l. i, c. 1.
(4) Apposite J. J. Rousseau in *Emile* l. ii. p. 187.

* Voir le premier vol. de notre édition des *Oeuvres du comte J. De Maistre*. 1841. PRIX: 3 fr. le vol. II.

vant eloquentissimi quique tractatus de virtutibus ac vitiis ad populos absque certa sanctione vel ad virtutem adducendos vel retrahendos a vitiis?

Dixi vero ex triplici defectu ipsis inherente, non solum ut rationem redderem facti propositi, verum etiam, ut immarem adversus nostros deistas ac rationalistas, nec ipsos triplici hoc defectu laborantes aut nunc esse aut unquam pares fore, seposita revelatione divina ac supernaturali, ad hoc idem præstandum, quod veteres philosophi minime præstare valuerunt (1).

Illi igitur sic constitutis ita perstringimus argumentum: res facti indubia est, humanam sapientiam et industriam non valuisse populos revelatione destitutos revocare ab illa generali defectione sive circa cultum sive circa mores, nec potuisse, etsi enixe id voluissent, nec posse, etsi vehementer vellet, ex triplici proposito defectu; ergo necessarium est ad hoc præstandum subsidium aliquod extra humanam conditionem positum, quod triplicem nuper expusat conditionem præseferat. Atqui tale subsidium esse non potest nisi divina supernaturalis revelatio, que scilicet principium in se continet tum unitatis, tum summæ auctoritatis atque efficacissimæ sanctionis; ergo ex eo quod nulla humana sapientia ac industria populos revelatione destitutos revocare valuerit ab universalis illa defectione sive circa cultum sive circa mores, jure rursum insertur divina ac supernaturalis revelationis necessitas.

DIFFICULTATES.

Obj. cum Ammon et Wegscheider: 1. *Rationem*, quatenus supra ejus virtus dignoscitur in *ideis* concipiendis, quæque ipsa recte dicitur *idea*, homini a Deo datum esse facultatem, non exultam, sed assidue excolendam constat, ejusque aciem adiumentibus tantum rebus faustissimis, a Dei providentia repetendis, ita *curari* posse, ut ne obscuretur errorum tenebris. Quapropter 2. distinguendum est inter rationem in *abstracto* et in *concreto*, ut dicitur, cogi-

ta philosophum alloquitur: « Frustra virtutem statuere ac confirmare unius rationis ope conari: nam quo unquam fundamento illam poteris sustentare? Praeclaræ quidem sunt tuae de moribus leges, sed eorum cedo, queso, sanctionem! Age, quid aeterno inferno igni suffectum vis? »

(1) Sic graphicè describit idem J. J. Rousseau deistas seu philosophos: « Philosophos, » inquit, « consuli, eorum libros pervolvi, ac varias opiniones expendi; agnovi omnes animorum plenos affirmantes audacter, etiam in rebus dubiis ex tripode judicantes, qui scire se omnia profundit, extricent nihil, sese invicem irrideant; quod quidem commune omnibus id mihi visum est, in quo minime hallucinatur. Elati et quasi ovantes, quum alios petunt; quum ipsi petuntur, fracti et abjecti; si eorum argumenta expolores, nulla plane invenies nisi ad evertendum aliquid comparata; si suffragia recenseas, id quisque fert, quod sibi quisque tribuit: nulla quidem in re nisi in contendendo sibi invicem coherent; cum ipsi uni veritatis lumine illustrati, candidi, sive digni videri volunt, tum nos juvent quodammodo ipsorum dicto acquiescere, et putida atque absurdula commenta pro veris ac certis principiis obrudunt. » *Emile*, tom. III, p. 21.

tatam. 3. Neque vero dubitari potest, quin in rebus gravissimis, que ad religionem et honestatem iuendam pertinent, itemque in præceptis artis logice omnes fere philosophorum scholæ mirifice inter se convenient; et 4. inter ipsos scriptores, quos profanos dicimus, et quos *injuste versantur atque calumniantur tenebrarum patroni*, haud paucos esse constat, qui præclaras de religione ac virtute sententias, Jesu Christi decretis ac præceptis hanc absimiles in medium protulerint. 5. Contra inter eos ipsos, qui eamdem revelationem sequi se professi sunt, magna opinionum diversitas obtinuit; 6. nec illa revelationis auctoritas impedire potuit, quominus ejus assecere ad superstitionem erroresque alios non modo ineptos sed etiam perniciosos delaberentur. 7. Quid si vero Deo placuerit, omnes omnibus temporibus idem prorsus sentire de rebus divinis, ita ut ipsa forma et involuta idealiter ad religionem pertinentem omnibus eadem essent, certe sapientissimis præsidis id effectus fuisset. Ergo. Ita citati auctores. (1).

Resp. generatim D. Et haec respiciunt meram ab ipso excoigitam possibilitatem, C. destruunt faciem a nobis constitutum N. Ejusmodi enim theorie non sunt nisi imaginaria, et ab existentia revelationis illius originem ducent, quam per summam injuriam ipsi impugnant, ut inferius ostendemus; sed nullo modo attingunt argumenta, que ex facto deducuntur. Quid enim efficerent veteres philosophi ad populum illustrationem? Quid efficiunt deistarum ac reactionum rationalistarum conatus, nisi corruptionem populum, et juvenitum sibi commissæ?

Resp. singillatim; ad 1. N. Experientia enim contrarium evincit, ut ex dictis patet, quæcumque denuo vis in ratione supponatur. Non agitur de eo, quod possit, sed de eo, quod fecerit.

Ad 2. D. Et supposita qualicunque distinctione ob vitium eidem inherens impar semper est humana ratio effectu obtinendo, quem adversarii prætendent, C. secus trans.

Ad 3. N. Quam enim mirifice philosophorum scholæ inter se convenient, si sermo sit de recentioribus, vidimus ex J. J. Rousseau, et patet ex perpetuo rationalistarum conflictu et pugna, que in Germanie scholis adhuc viget, et ex eorum libris. Si sermo sit de antiquioribus, patet ex historia philosophiæ ejusque diversis sectis stoicorum, epicureorum, pyrrhonistarum, cynicorum, etc. (2). Quid porro commune habeant artis logicae præcepta cum gravissimis rebus, que ad religionem et honestatem pertinent, non video.

Ad 4. D. *Praeclaras de religione sententias* absque fundamento, absque conjunctione et fine, et qui-

(1) Ammon, *Der rechte Standpunkt*, Lips. 1822, p. 19. Wegscheider, op. cit. prol. c. 1, § n, n. (a).

(2) Cl. Pluarch. *De placitis Philosophorum*, præsertim l. iv. opp. fol. ed. Paris. 1624. tom. II. Itaque mirifice scholæ philosophorum inter se convenient solum in dissentiendo. Philosophorum item clamores, aeres disputationes, dissensiones graphicè describit Lucianus in dialogue: *Bis accusatus*, c. II et seqq.